



NORMAS DE INSCRICIÓN E DESENVOLVEMENTO DAS ESCOLAS DEPORTIVAS MUNICIPAIS CURSO 2020 - 2021

O Concello de Monforte organiza, para o curso 2020 - 2021, unha serie de actividades deportivas encadradas dentro do programa de Escolas Deportivas Municipais, que pretende, entre outras cousas, complementar a oferta deportiva existente en Monforte proposta por clubs deportivos e outros entes de promoción deportiva.

As actividades deportivas propostas dentro do programa de Escolas Deportivas Municipais para o Curso 2020 – 2021, son as seguintes:

- Escolas Deportivas Municipais para nenos/as:
 - Golf
 - Pádel
 - Kung Fu
 - Zumba Infantil

- Escolas Deportivas Municipais para persoas adultas:
 - Ximnasia de mantemento
 - Tai Chi
 - Ioga
 - Zumba Adultos

1. PERSOAS PARTICIPANTES:

Poderán participar no programa as persoas que cumpran os seguintes requisitos:

- Para participar en escolas de nenos/as ter entre 6 e 15 anos de idade.
- Para participar en escolas de adultos ter 16 anos ou máis.
- Aceptar e cumprir as condicións establecidas para a actividade.
- Aceptar e asumir os riscos inherentes á práctica deportiva na situación de crise sanitaria na que nos atopamos actualmente

2. ORGANIZACIÓN DA ACTIVIDADE:

- **Duración:** o programa de Escolas Deportivas Municipais ten un duración aproximada de oito meses entre o 5 de outubro de 2020 e o 31 de maio de 2021.



- **Horario e lugar de celebración das actividades:**

ACTIVIDADES								
PARA NENOS/AS	LU	MA	ME	XO	VE	SA	HORARIO	LUGAR CELEBRACIÓN
GOLF						■	Grupos de mañá e tarde	Club Golf Río Cabe
PÁDEL						■	Grupos de mañá e tarde	Club Padelante
KUNG FU		■			■		19:00 - 20:00	DOGMA Centro Pilates
ZUMBA KIDS	■						17:00 – 18:00	Ximnasio Neo Fit
PARA ADULTOS/AS								
XIMNASIA DE MANTEMENTO	■		■				10:30 – 11:30	Ximnasio Neka
XIMNASIA DE MANTEMENTO	■		■				17:00 – 18:00	Ximnasio Lemos
TAI CHI		■			■		20:00 – 21:00	DOGMA Centro Pilates
IOGA	■		■				16:15 – 17:15	Centro loga Ganesha
IOGA	■		■				17:15 – 18:15	Centro loga Ganesha
IOGA		■		■			16:15 – 18:15	Centro loga Ganesha
ZUMBA ADULTOS		■			■		17:00 – 18:00	Ximnasio Neo Fit

- **Calendario lectivo:**

Considéranse días lectivos de cada unha das modalidades deportivas ofertadas dentro do programa de Escolas Deportivas Municipais para o curso 2020 - 2021, aqueles comprendidos entre o 5 de outubro de 2020 e o 31 de maio de 2021 excepto os seguintes:

FESTIVIDADE	DATA	
Día da Festa Nacional de España	12 de outubro de 2020	Lunes
Día da Inmaculada Concepción	8 de decembro	Martes
Vacacións de nadal	23 de decembro de 2020 ao 7 de xaneiro de 2021	
Entroido	15, 16 e 17 de febreiro de 2021	
San José	19 de marzo de 2021	Venres
Semana Santa	29 de marzo ao 5 de abril de 2021	
Martes de Pascua	6 de abril de 2020 (festa local)	Martes
Día da Festa do Traballo	1 de maio de 2020	Sábado
Día das Letras Galegas	17 de maio	Luns

3. Custe da actividade:

A taxa por escola e curso é de 92,70 €. Os alumnos/as que pertencen a familia numerosa terán unha bonificación do 50 %. No momento da matrícula deberá xustificarse a pertenza a familia numerosa mediante a achega do copia do título de familia numerosa expedido polo órgano competente.

O cobro da taxa pola prestación do servizo realizarase do seguinte xeito: o 50 % da contía total do curso liquidarase ao inicio da actividade, e o 50 % restante no mes de marzo do

correspondente curso. No momento da matrícula indicárase o número de conta no que o Concello de Monforte efectuará o cobro pola prestación do servizo.

Cando por causas non imputables ao suxeito pasivo a actividade non se prestara, procederase á devolución do importe correspondente.

Cando a causa de non asistencia ao curso sexa imputable ao suxeito pasivo, non se procederá a prorrateo da cota tributaria, procedendo ao cobro total do curso.

4. SOLICITUDE E PRAZO DE PRESENTACIÓN:

Todas as persoas interesadas en inscribirse nalgunha das modalidades deportivas propostas dentro do programa de Escolas Deportivas Municipais deberán presentar, a través do Rexistro Xeral do Concello de Monforte, de xeito presencial ou a través da sede electrónica, o modelo de solicitude cuberto con todos os datos que se requiren. En Caso de persoas menores de idade a solicitude virá asinada polo pai, nai ou titor/a legal.

O prazo de presentación de solicitude permanecerá aberto entre o 9 e o 25 de setembro de 2020. Entre o 28 e o 30 de setembro se publicará na páxina web do Concello de Monforte a lista de admitidos/as nas actividades.

A lista de admitidos/as se confeccionará por rigorosa orde de presentación das solicitudes. Se unha vez finalizado o prazo de inscrición se da o caso de que quedan prazas vacantes, se poderán seguir presentando solicitudes ata esgotar as prazas ofertadas.

Para a prestación do servizo de cada unha das modalidades deportivas ofertadas será necesario que a porcentaxe de inscritos na actividade acade, como mínimo, o 25% das prazas ofertadas.

5. DOCUMENTACIÓN A PRESENTAR:

- Modelo de solicitude normalizado SER-DE-125
- Fotocopia do DNI do solicitante
- No caso de que o solicitante sexa menor de idade fotocopia do DNI do pai, nai ou titor/a que figura como tal na solicitude.
- No caso de familia numerosa, copia do título de familia numerosa expedido polo órgano competente.
- Declaración responsable COVID-19

6. PROTOCOLO DE PREVENCIÓN DO COVID-19

Todas as actividades contarán coas medidas preventivas fronte ao COVID-19 ditadas en cada momento polas autoridade sanitarias.

A actividade deportiva de cada unha das modalidades ofertadas estará suxeita aos seguintes criterios xerais de uso:

- a) En todas as instalacións deportivas se establecerán as medidas necesarias para procurar manter a distancia de seguridade interpersoal.
- b) Con carácter xeral, non se compartirá ningún material e, se isto non fose posible, garantirase a presenza de elementos de hixiene para o seu uso continuado.
- c) As bolsas, mochilas ou efectos persoais só se poderán deixar nos espazos habilitados para ese fin.
- d) Antes de entrar e ao saír do espazo asignado, deberán limparse as mans cos xeles desinfectantes que estarán dispoñibles nos espazos habilitados para o efecto.
- e) Será obrigatorio o uso de máscara en todo momento, aínda que se poida garantir a distancia de seguridade interpersoal de 1,5 metros, excepto durante a realización da actividade deportiva e sempre e cando se manteña a distancia de seguridade interpersoal. Cando o deportista non utilice a máscara é importante gardala axeitadamente para evitar que contamine ou se contamine.